

1 сентября 2013 года. Неделя 10 по Пятидесятнице. Глас 1.

Попразднство Успения Богородицы. Донской иконы Божией Матери.

ВСЕНОЩНОЕ БДЕНИЕ. КАНОН.

ПЕСНЬ 1:

КАНОН ВОСКРЕСНЫЙ, ГЛАС 1:

Ирмос: Твоя победительная десница/ Боголепно в крепости прославися:/ та бо, Безсмертне,/ яко всемогущая, противныя сотре,// Израильтяном путь глубины новосоделавшая.

Припев: Слава, Господи, святому Воскресению Твоему.

Тропарь: Иже рукама пречистыма от персти/ богодетельне исперва создав мя,/ руже распростерл еси на кресте,/ от земли взывая тленное мое тело,// еже от Девы приял еси.

Припев: Слава, Господи, святому Воскресению Твоему.

Тропарь: Умерщвление подъял еси мене ради,/ и душу смерти предал еси,/ Иже вдохновением божественным душу ми вложивый,/ и отрешив вечных уз, и совоскресив// нетлением прославил еси.

Припев: Пресвятая Богородице, спаси нас.

Богородичен: Радуйся, благодати источнице,/ радуйся лестнице, и двере небесная,/ радуйся свещнице, и ручко златая, и горб несекомая,// Яже Жизнодавца Христа миру рождающая.

КАНОН БОГОРОДИЦЫ, ГЛАС 1:

Припев: Пресвятая Богородице, спаси нас.

Тропарь: Кую Ти достойную песнь наше принесет неможение?/ точию обратовательную,/ ейже нас Гавриил тайно научил есть:// радуйся, Богородице Дево, Мати Невестная.

Припев: Пресвятая Богородице, спаси нас.

Тропарь: Приснодеве и Матери Царя вышних сил,/ от чистойша сердца, вернии, духовне возопиим:// радуйся, Богородице Дево, Мати Невестная.

КАНОН УСПЕНИЯ, ГЛАС 4:

Припев: Пресвятая Богородице, спаси нас.

Тропарь: Девы отроковицы, с Марьямиею пророчицею песнь исходную ныне воскликните:// Дева бо и единая Богомати ко приятию Небесному представляется.

Припев: Пресвятая Богородице, спаси нас.

Тропарь: Достойно, яко одушевленное Тя Небо, прияша Небесная, Пречистая, Божественная селения,// и предста, светло украшена, яко Невеста, Всенепорочная, Царю и Богу.

КАНОН БОГОРОДИЦЫ РАДИ ИКОНЫ ЕЯ, ИМЕНУЕМАЯ ДОНСКАЯ, ГЛАС 4:

Припев: Пресвятая Богородице, спаси нас.

Тропарь: Отверзи слух мой, Богоизбранная Дево, во еже разумети словеса откровения и познати путь спасения, да веру иму твердую избавителю Богу и воспою предивное его о нас промышление.

Припев: Пресвятая Богородице, спаси нас.

Тропарь: отвори, душе моя, очи веры, и узриши многая благодеяния Божия Матере, во дни тяжких обстояний отечеству нашему издревле являемая, и воспой, радуясь, милостивое тоя заступление.

Пресвятая Богородице, спаси нас.

Немощных здравие, ослабленных исцеление, обидимых защищение, от насилия и злобы спасение, скорбных в нуждах помощнице, не престаи молиться о чтущих тя.

Пресвятая Богородице, спаси нас.

Познай, душе моя, силу честного и животворящего креста Господи, сим бо присно побеждаем полки враг видимых и невидимых, молитвами Богородицы и всех святых, в земли российских просиявших.

Слава Отцу, и Сыну, и Святому Духу.

Грозное Божественное прещение врази разумеша пришествием чудотворного образа твоего, Небесная царице, страхом бо одержимии, в бегство внезапное обратишася, силою свыше гонимии.

И ныне и присно и во веки веков, аминь.

Богородичен: Глас хвалы и благодарения приносим ти, Владычице, и поклоняемся пречистому образу твоему, имже многаяжды на агаряны победу даровала еси и рог наш вознесла еси, защитнице скорая рода Христианского.

КАТАВАСИЯ УСПЕНИЯ, ГЛАС 2:

Хор: Преукрашенная Божественною славою, / священная и славная, Дево, память Твоя / вся собра к веселию верных, / начинающей Мариаме, с лики и тимпаны, / Твоему поюция Единородному: // славно яко прославися.

ПЕСНЬ 3:

КАНОН ВОСКРЕСНЫЙ, ГЛАС 1:

Ирмос: Едины ведый человеческого существа немощь / и милостиво в не воображся, / препояши мя с высоты силою, / еже вопити Тебе, Святой, // одушевленный храме неизреченная славы Твоея, Человеколюбче.

Припев: Слава, Господи, святому Воскресению Твоему.

Тропарь: Бог Сый мне, Блаже, падшаго ущедрил еси, / и сняти ко мне благоволив, вознесл мя еси распятием, / еже вопити Тебе, Святой: // Храме одушевленный неизреченная Твоея славы, Человеколюбче.

Припев: Слава, Господи, святому Воскресению Твоему.

Тропарь: Живот ипостасный Христэ сый, / в истлевша мя, яко Милосердый Бог, обolkся, / в персть смертную сошед, Владыко, / смертную державу разрушил еси, / и мертв тридневен воскрес, // в нетление мя облekl еси.

Припев: Пресвятая Богородице, спаси нас.

Богородичен: Бога зачэнши во чрэве, Дево, Духом Пресвятым, / пребыла еси неопалима, / понэже Тя купина законоположнику Моисею, / палимую нежегомо, яве предвозвестил, // огонь нестерпимый приемшую.

КАНО́Н БОГОРО́ДИЦЫ, ГЛАС 1:

Припев: Пресвятáя Богорóдице, спаси́ нас.

Тропа́рь: Óблак Тя лёгкий нелóжно, Дéво, имену́ем,/ прорóческим возслéдующе речéнием:/ при́де бо на Тебé Госпóдь/ низложити егíпетския прéлести рукотворéния,// и просветíti сим служáция.

Припев: Пресвятáя Богорóдице, спаси́ нас.

Тропа́рь: Тя запечáтанный во́истинну лик прорóческий истóчник,/ и заключéнную дверь именовá, дéвства Твоегó, Всепéтая,/ я́вственне знáмения нам пíщуще:// е́же сохрани́ла еси́ и по рождествé.

КАНО́Н УСПÉНИЯ, ГЛАС 4:

Припев: Пресвятáя Богорóдице, спаси́ нас.

Тропа́рь: От мёртвых чресл произвéдшися, естество́м подóбна, Чíстая, исхождéние разреши́,/ рóждши же сýщую Жизньъ,// к Жíзни престáвится Божéственной и Ипостáсней.

Припев: Пресвятáя Богорóдице, спаси́ нас.

Тропа́рь: Лик Богослóвов от конéц, свýше же А́нгел мнóжества/ к Сиóну идя́ху все-сильным мановéнием,// досто́бно, Влады́чице, Твоему́ погребéнию служáще.

КАНО́Н БОГОРО́ДИЦЫ РА́ДИ ИКО́НЫ ЕЯ́, ИМЕНУ́ЕМЫЯ ДОНСКА́Я, ГЛАС 4:

Припев: Пресвятáя Богорóдице, спаси́ нас.

Тропа́рь: Жите́йскими попечéнии и сластьми́ искуша́емии, тебé, истóчнику тишинý и Богомы́слия, пéсни принóсим: утоли́ жа́жду Духóвную, ум́ наш к Не́бу возведи́, превы́шшая гóрних сýл.

Пресвятáя Богорóдице, спаси́ нас.

ума́ моего́ просвещéние, во́ли сла́бых укреплéние, сёрдца уны́лаго ра́дование ты́ еси́, преблагословéнная, молю́ тя усёрдно: вся́ сýлы души́ моея́ обнови́.

Пресвятáя Богорóдице, спаси́ нас.

Сла́ва тебé, всенепорóчная, любящим тя́ дéвам неотъёмлемое сокрóвище, целомудрия́ истóчнице, Небéсныя сла́дости откровéние, уны́ния и печáли истреблéние, смире́нных и Боголю́бцев венча́ние и по́стников удобре́ние.

Пресвятáя Богорóдице, спаси́ нас.

Изглади́ грехопадéния ю́ности, прими́ покая́ние ста́рости моея́, ца́рце Небéсная, се́ бо от чрэва ма́тере моея́ да́же доны́не вра́г не отступа́ет, не попусти́ мя творíti по́хоти егó, но у́зы грехóвныя разреши́ и помилуй́ мя.

Сла́ва Отцу́, и Сы́ну, и Свято́му Духу́.

Ка́ко умолю́ тя, Богоневéсто, усты́ злослóвия испóлненными, или́ кую́ пéснь вознесу́, со́вестию облича́емь? возмо́гу ли познáти й́стину, лжи́ сослужите́ль, сосóд гнéва Бóжия сýй? но жизнóдательнице, страстьми́ умерщвлéнную ду́шу мою́ оживи́.

И ныне и присно и во веки веков, аминь.

Богородичен: Врагу лютому подступающе, многое множество старцев и жен простирают ти немощней руке с воплем крепким: прииди, Мати милосердия, прииди, от лютыя смерти избавляющая, ускори спасти град и люди твоя.

КАТАВАСИЯ УСПЕНИЯ, ГЛАС 1:

Хор: Содетельная и содержительная всех/ Божия Мудросте и Сило,/ непреклонну, недвижиму Церковь утверди, Христе,/ един бо еси Свят, // во святых почивай.

ЕКТЕНИЯ МАЛАЯ...

КОНДАК ПРАЗДНИКА, ГЛАС 2:

В молитвах Неусыпающую Богородицу/ и в представительствах непреложное упование/ гроб и умерщвление не удержаста:/ якоже бо Живота Матерь/ к животу престави// во утробу Вселившийся приснодевственную.

ИКОС:

Оградь моя помышления, Христе мой,/ ибо Стену мира воспети дерзая, Чистую Матерь Твою,/ на столпе глагол укрепь мя и в тяжких мыслех заступь мя,/ Ты бо зывающим и просящим верою моления исполняеши./ Ты мне убо даруй язык принесен и помысл непостыден:/ всякое бо даяние сияния от Тебе низпосылается, Светоподателю, // во утробу вселившийся приснодевственную.

СЕДАЛЕН (ИПАКОИ) БОГОРОДИЦЫ, ГЛАС 8:

Блажим тя, вси роди, Богородице Дево, в тя бо невестимый Христос Бог наш вместится благоволи. блажени есмы и мы, представительство тя имуще, день бо и ночь молишися о нас, и роди Христианстии твоими молитвами утверждаются. тем воспевающе вопием ти: радуйся, благодатная, Господь с тобою.

Слава Отцу и Сыну и Святому Духу и ныне и присно и во веки веков. Аминь.

СЕДАЛЕН УСПЕНИЯ, ГЛАС 1:

Лик Божественных апостол собрася погребсти Тя пречестно, Богородице Всечистая,/ с нимиже и ангельстии чини воспеваху преставление Твое, зывающе прехвально./ С нимиже и мы, любовьию играюще, Чистая,/ хвалу Тебе принесим гласы песенными, вернии, и вопием:// радуйся, Предстательнице присно чтущих Тя.

ПЕСНЬ 4:

КАНОН ВОСКРЕСНЫЙ, ГЛАС 1:

Ирмос: Гору Тя благодатию Божию приосененную,/ прозорливима Аввакум// усмотрив очима,/ из Тебе изыти Израилеву провозглашаше Святому, // во Спасение наше и обновление.

Припев: Слава, Господи, святому Воскресению Твоему.

Тропарь: Кто сей Спас иже из Едома иходя, венец нося терновен,/ очервленну ризу имый, на древе вися;/ Израилев есть Сей Святыи, // во Спасение наше и обновление.

Припев: Слава, Господи, святому Воскресению Твоему.

Тропарь: Видите людие непокоривии, и устыдитесь:/ Егже бо яко злодея вы вознести на крест у Пилата испросите умовредне, // смерти разрушив силу, боголепно воскрес из гроба.

Припев: Пресвятая Богородице, спаси нас.

Богородичен: Древо Тя, Дево, жизни веми:/ не бо снеди плод смертоносный человеком из Тебе прозябе,/ но живота присносущнаго наслаждение, // во Спасение нас поющих Тя.

Канон Богородицы, глас 1:

Припев: Пресвятая Богородице, спаси нас.

Тропарь: Слыши чудес небо, и внушай земле,/ яко Дщи перстнаго убо падшаго Адама, Богу наречена бысть,/ и Своему Содетелю Родительница, // на Спасение наше и обновление.

Припев: Пресвятая Богородице, спаси нас.

Тропарь: Поём великое и страшное Твое таинство,/ премирных бо утайвся чиноначалий,/ на Тя Иже сый сниде яко дождь на руну, Всепетая, // на Спасение нас поющих Тя.

Канон Успения, глас 4:

Припев: Пресвятая Богородице, спаси нас.

Тропарь: Чудо быше зрети Небо всех Царя одушевленное,/ испражнения преходящее земная, яко чудна дела Твоя! // Слава силе Твоей, Господи.

Припев: Пресвятая Богородице, спаси нас.

Тропарь: Аще и непостижный Сей Плод, Имже небеса быша,/ погребение прият волею, яко мертв; // како погребения отвержется неискусобратно Родшшая?

Припев: Пресвятая Богородице, спаси нас.

Тропарь: В преставлении Твоем, Мати Божия, пространнейшее тело Твое и богоприятное // ангельская воинства священными крылы трепетом и радостью покрываху.

Канон Богородицы ради иконы ея, именуемая Донская, глас 4:

Припев: Пресвятая Богородице, спаси нас.

Тропарь: о, великая сила слезы! о, незлобие Владыки! за мене, падшаго, сам страждетъ! ты же, Богомати, у креста Сына своего стоявшая, неизследную глубину Божия низхождения нам покажи и неосужденно причаститися святых и страшных таин сподоби.

Пресвятая Богородице, спаси нас.

Мати чада злонравнаго побеждается сердоблием и не может его презрети, темже паче ты, благоутробная, преукрашенное жилище Божия низхождения, мене, последнего, не оставляеши и друг друга тяготы носить нас научаеши.

Пресвятáя Богорóдице, спаси нас.

облиста́й мя́ све́том Божéственнаго ли́ка твоегó, отра́до моя́ пречи́стая, да
ночнáя вознесу́ ти молéния, услы́ши воздыхáния немóлчная и пáмятию
смéртною от прéлести грехá спаси́.

Пресвятáя Богорóдице, спаси нас.

Пла́чет стáрость моя́, лиш́йся бо сынóв и дщéрей, нéсть опóры в жízни
оди́ноцей, но бóуди мнé стóлп и крéпость, свобóждéние печáлей, блáгáя
утéшительнице, и до концá днй мо́их сохрани́ мя от злá.

Слáва Отцú, и Сы́ну, и Свято́му Дúху.

Неизречéнною сýлюю блáгодáти возбранй сквёрным помыслóм, обуре-
вáющим мя́, Дéво чýстая, запрети́ им, и далéче отгони́, и Божéственных
песнопéний дéлателя мя́ сотвори́, да нелéностно послужи́ Бóгу моему́.

И ны́не и прýсно и во вéки векóв, амíнь.

Богорóдичен: Во́инств блáгопоспешéние, борцéв мýжество, хрáбрых спобóрнице, воевóдо
возбранная, мо́лим тя́ крéпость ору́жию нáшему даровáти, да низлóжены
бóдут воста́ющие на ны́, тобóю бо побéды воздвйжyтся.

КАТАВА́СИЯ УСПÉНИЯ, ГЛАС 1:

Хор: Рéчи прорóков и гадáния/ воплощéние проявйша от Дéвы Твое́, Хри-
стé:/ сия́ние блиста́ния Твоегó во свет язы́ков изы́дет,/ и возгласи́т Тебé
бéздна с весéлием:// сýле Твое́й слáва, Человеколю́бче.

ПЕСНЬ 5:

КАНО́Н ВОСКРЕ́СНЫЙ, ГЛАС 1:

Ирмо́с: Просветй́вый сия́нием прише́ствия Твоегó, Христé,/ и осветй́вый Кре-
сто́м Тво́им ми́ра концы́,/ сердца́ просвети́ све́том Твоегó Богоразу́мия,//
правослáвно пою́щих Тя.

Припев: **Слáва, Гóсподи, свято́му Воскресéнию Твоему́.**

Тропа́рь: Па́стыря овца́м вели́каго и Гóспода,/ иудéи дрéвом крéстным умертвйша:/
но Той я́ко óвцы, мёртвыя, во áде погребéнныя,// держáвы смéртныя избáви.

Припев: **Слáва, Гóсподи, свято́му Воскресéнию Твоему́.**

Тропа́рь: Кресто́м Тво́им мир благовестй́в,/ и проповéдав плéнным, Спа́се мой, остав-
лéние,/ держáву имúщаго посрамй́л еси́, Христé:// на́га, обнищáвша показáвый
Божéственным воста́нием Тво́им.

Припев: **Пресвятáя Богорóдице, спаси нас.**

Богорóдичен: Прошéния вёрно прося́щих, Всепéтая, не прéзри:/ но прими́, и сия́ до-
ноша́й Сы́ну Твоему́, Пречи́стая,/ Бóгу Еди́ному Благодéтелю,// Тебé бо Пред-
ста́тельница стязáхом.

КАНО́Н БОГОРÓДИЦЫ, ГЛАС 1:

Припев: **Пресвятáя Богорóдице, спаси нас.**

Тропа́рь: Веселя́тся небéсныя сýлы зря́ще Тя:/ радуются с ними́ челове́ков собра́ния:/
Рождествóм бо Тво́им совокупй́шася, Дéво Богорóдице,// éже досто́йно слáвим.

Припев: Пресвятая Богородице, спаси нас.

Тропарь: Да движатся вси языцы челове́чести и мýсли,/ к похвалé челове́ческаго войстинну удобре́ния,/ Де́ва предстои́т я́ве сла́вящи,// ве́рою То́я пою́щих чудеса́.

КАНО́Н УСПЕ́НИЯ, ГЛАС 4:

Припев: Пресвятая Богородице, спаси нас.

Тропарь: Да возгласят трубы́ богосло́вов днесь,/ язы́к же многовещáнный челове́ческий ны́не да восхва́лит,/ да огласи́т же возду́х, безме́рным сия́я све́том,/ А́нгели да пою́т Пречи́стыя Де́вы успе́ние.

Припев: Пресвятая Богородице, спаси нас.

Тропарь: Сосúд подобáше избра́нный, пéнием Ти весь удивля́емь, Деви́це, исхо́ден,/ весь освяще́н Бóгови, всем богоприя́тен,// и сей и́стинно явля́емый, Богороди́це Всепéтая.

КАНО́Н БОГОРОДИЦЫ РА́ДИ ИКО́НЫ ЕЯ́, ИМЕНУ́ЕМЫЯ ДОНСКА́Я, ГЛАС 4:

Припев: Пресвятая Богородице, спаси нас.

Тропарь: Прама́ти е́ва, в раю́ согреши́вши, мýк рождéния соде́ла мя причáстну, но ты́, бла́годáтная, небо́лезненно Христа́ рóждшая, чадорóдия ра́ди ду́шу мою́ спáси.

Пресвятая Богородице, спаси нас.

я́ко цвёт сéльный, яви́ся ча́до моё в ми́р скорбе́й и дыха́нием сме́рти уже́ опали́ся, но по сло́ву Господню́ воспою́: бла́женно де́тство, и́бо ца́рство Небе́сное насле́дит, ты́ же, Влады́чице, прекра́щение воздыхáний, сама́, я́коже ве́си, ско́рбь мою́ облегчи́.

Пресвятая Богородице, спаси нас.

о́чи твои́ све́тлеи с любóвию на ни́щих призира́ют, и рука́ всегда́ сирота́м и вдови́цам просте́рта, сла́вим неусы́пное о́ них хода́тайство, и о́браз тво́й че́стный лобыза́юще, прóсим: не отврати́ лица́ твоего́ от на́с, в ну́жде оже́сточéнных.

Пресвятая Богородице, спаси нас.

Та́йны грéх мо́их обличе́ние ужа́сает мя́, пречи́стая, но ничто́же возмо́жно утайти́ от всеви́द्याщаго о́ка, се́ прибега́ю к твоему́ милосе́рдию, да́ждь ми́ си́лу к пока́йнию и тво́ими моли́твами покрый́ мою́ наготу́.

Сла́ва Отцу́, и Сы́ну, и Свято́му Ду́ху.

Гне́в, ревновáние и зло́ба в ду́ши моёй го́рдей и тщесла́вней гнездя́тся, са́м па́даю и па́дших осужда́ти дерза́ю, к тебе́ прибе́гох, обурева́емых спа́сительнице, страсте́й мо́их смра́дное мо́ре изсуши́.

И ны́не и прísно и во ве́ки веко́в, ами́нь.

Богородичен: ужа́сает мя́ де́нь суда́ Бóжия, Гóсподу бо ве́дома вся помышле́ния, не наде́юся на до́брая дела́ мо́я, (с. 681) не́сть бо те́х у мене́, но прошу́ моли́тв тво́их, грéшных споручни́це.

КАТАВА́СИЯ УСПЕ́НИЯ, ГЛАС 1:

Хор: Бо́жию и неизрече́нную добро́ту/ добродете́лей Твои́х, Христе́, испове́м:/ от Присносу́щныя бо Сла́вы/ Соприсносу́щное и Ипоста́сное возсия́вый Сия́ние,/ из де́вственныя утробы́/ су́щим во тьме и се́ни вопло́щся, // возсия́л еси́ Со́лнце.

ПЕСНЬ 6:

КАНО́Н ВОСКРЕ́СНЫЙ, ГЛАС 1:

Ирмо́с: Обы́де нас послéдняя бéздна,/ несть избавля́й,/ вмени́хомся, я́ко о́вцы заколе́ния,/ спаси́ лю́ди Твоя́, Бо́же наш, // Ты бо крéпость немощствую́щих и исправле́ние.

Припев: Сла́ва, Го́споди, свято́му Воскресе́нию Твоему́.

Тропа́рь: Согреше́нием первозда́ннаго, Го́споди, лю́те уязви́хомся,/ ра́ною же исцели́хомся Твоею́,/ е́юже за ны уязви́лся еси́, Христе́: // Ты бо крéпость немощствую́щих и исправле́ние.

Припев: Сла́ва, Го́споди, свято́му Воскресе́нию Твоему́.

Тропа́рь: Возве́л ны еси́ из а́да, Го́споди,/ кита́ уби́в всея́дца, Всеси́льне,/ Твоею́ держа́вою низложи́в того́ си́лу: // Ты бо Живот, и Свет еси́, и Воскресе́ние.

Припев: Пресвята́я Богоро́дице, спаси́ нас.

Богоро́дичен: Веселя́тся о Тебе́, Де́во Пречи́стая,/ ро́да на́шего пра́отцы, Еде́м восприе́мше Тобо́ю,/ его́же преступле́нием погуби́ша: // Ты бо, Чи́стая, и прэ́жде Рожде́ства, и по Рожде́ствé еси́.

КАНО́Н БОГОРО́ДИЦЫ, ГЛАС 1:

Припев: Пресвята́я Богоро́дице, спаси́ нас.

Тропа́рь: Предстоя́т раболéпне Рожде́ству Твоему́ чи́ни небéснии,/ дивя́щесе́ досто́йно Твоему́ безсе́менному Рожде́ству, Присноде́во: // Ты бо, Чи́стая, и прэ́жде Рожде́ства, и по Рожде́ствé еси́.

Припев: Пресвята́я Богоро́дице, спаси́ нас.

Тропа́рь: Воплоти́ся прэ́жде сый Безплóтен, Сло́во из Тебе́, Пречи́стая,/ вся́ческая во́лею творя́й, // безтелéсных во́инства приве́дй от небы́тия, я́ко Всеси́лен.

КАНО́Н УСПЕ́НИЯ, ГЛАС 4:

Припев: Пресвята́я Богоро́дице, спаси́ нас.

Тропа́рь: Из Тебе́ Жизнь возсия́, ключи́ де́вства не руши́вши;/ ка́ко у́бо пречи́стое и живонача́льное Твое́ тéло // искуше́ния сме́рти бысть прича́стно?

Припев: Пресвята́я Богоро́дице, спаси́ нас.

Тропа́рь: Жíзни б́вши храм, жизнь присносу́щную улу́чила еси́:/ сме́ртию бо к живо́ту премину́ла еси́, // Я́же Жизнь ро́ждши воипоста́сную.

КАНОН БОГОРОДИЦЫ РАДИ ИКОНЫ ЕЯ, ИМЕНУЕМАЯ ДОНСКАЯ, ГЛАС 4:

Припев: Пресвятая Богородице, спаси нас.

Тропарь: окаянную мою душу, влекому лужавыми страстьми, свободи из плена, падших востание, радуется бо Владыка твоему о грешных предстательству, прошения твоя, яко Сын, исполняя.

Пресвятая Богородице, спаси нас.

Воздыхания тяжкая слышиши, преблагословенная, скорбь сердца моего ведущи, миро утешения и вино веселия возлей на раны душевные, мрак уныния прогоняющи.

Пресвятая Богородице, спаси нас.

Помышляю труды подвижников: пост непрестанный, слезы сокрушения, молитвы всеночные, послушание нелицемерное, терпение поношений, ужасаюся, Мати судий праведного, моему нерадению о спасении, от сна безчувствия мя пробуди.

Пресвятая Богородице, спаси нас.

Сущи во аде не могут Господа молити, ты же, всемогущая предстательнице, яко Мати, дерзновение к Сыну имаши, молим тя о сродниках наших и всех преставльшихся, испроси им грехов разрешение.

Слава Отцу, и Сыну, и Святому Духу.

В смертный час слышу глас Господа, пророком вещающь: представи ми чад твоих, аз поддержу и препитаю сырых твоих. и ты, Мати Божия, буди чадом моим прибежище в день скорби.

И ныне и присно и во веки веков, аминь.

Богородичен: На поли брани смерть царствует, ты же, Владычице, верным воином молитвою матери жизнь сохраняеши, убиенных же души в царство света незаходимаго вселяеши и тако от вечныя смерти избавляеши.

КАТАВАСИЯ УСПЕНИЯ, ГЛАС 1:

Хор: Морский пучинородный китов внутренний огонь/ – тридневного Твоего погребения проображение,/ егже Иона пророк показася./ Спасен бо, яко и предпослася, неврежден, вопияше:// пожру Ти со гласом хваления, Господи.

ЕКТЕНИЯ МАЛАЯ...

КОНДАК ВОСКРЕСНЫЙ, ГЛАС 1:

Воскресл еси, яко Бог, из гроба во славе,/ и мир совоскресил еси;/ и естество человеческое яко Бога воспеваает Тя, и смерть исчезе;/ Адам же ликует, Владыко;/ Ева ныне от уз избавляема радуется, зовущи:// Ты еси, Иже всем подае, Христе, воскресение.

Икос:

Воскресшаго тридневно воспойм яко Бога Всесильна,/ и врата ада стершаго,/ и яже от века из гроба воздвигшаго,/ мирносицам явльшагося, якоже благоизволил есть,/ прежде сим еже радуйтесь, рекый:/ и апостолом радость возвещая,

яко Един Жизнодавец./ Тёмже верою жены учеником знамения победы благовестуют,/ и ад стенёт, и смерть рыдаёт:/ мир же веселится, и вси с ним радуются.// Ты бо подал еси, Христе, всем Воскресение.

ПЕСНЬ 7:

КАНОН ВОСКРЕСНЫЙ, ГЛАС 1:

Ирмос: Тебе умную, Богородице, пещь/ рассмотрим, вернии,/ якоже бо отроки спасе три Превозносимый,/ мир обновил, во чреве Твоем всецел,// хвальный отец Бог и препрославлен.

Припев: Слава, Господи, святому Воскресению Твоему.

Тропарь: Убоясь земля, сокрыся солнце, и померче свет,/ раздрася церковная божественная завеса,/ камень же расседся:/ на кресте бо висит Праведный,// Хвальный отец Бог, и препрославлен.

Припев: Слава, Господи, святому Воскресению Твоему.

Тропарь: Ты быв аки беспомощен,/ и уязвен в мертвых волею нас ради/ превозносимый, вся свободил еси,/ и державною рукою совоскресил еси,// хвальный отец Бог, и препрославлен.

Припев: Пресвятая Богородице, спаси нас.

Богородичен: Радуйся, источнице присноживия воды./ Радуйся, раба пищный./ Радуйся, стено верных./ Радуйся, Неискусобрачная./ Радуйся, всемирная Радосте,/ Еюже нам возсия// Хвальный отец Бог, и препрославлен.

КАНОН БОГОРОДИЦЫ, ГЛАС 1:

Припев: Пресвятая Богородице, спаси нас.

Тропарь: Ты, Богородице, лестницу Иаков пророчески разумеает:/ Тобою бо Превозносимый на земли явился,/ и с человеки поживе, яко благоволи,// Хвальный отец Бог и Препрославлен.

Припев: Пресвятая Богородице, спаси нас.

Тропарь: Радуйся, Чистая, из Тебе пройде Пастырь,/ Иже во Адамову кожу облкся воистинну Превозносимый,/ во всего мя человека, за благоутробие непостижное:// Хвальный отец Бог и Препрославлен.

КАНОН УСПЕНИЯ, ГЛАС 4:

Припев: Пресвятая Богородице, спаси нас.

Тропарь: Юноши и девы, Девыя же и Богоматере память чтуще,/ старцы, и монаси, царие и судий, пойте:// отец наших Господи и Боже, благословен еси.

Припев: Пресвятая Богородице, спаси нас.

Тропарь: Да вострубят трубою духовною горы Небесныя,/ да радуются холми, и да играют Божественнии апостоли:// Царьца к Сыну представляется, с Ним царствующи.

Припев: Пресвятáя Богорóдице, спаси нас.

Тропарь: Всесвященное преставление Божественныя Твоея и Нетлénныя Мátере/ премíрныя Вьшних сил совокупí чýны,/ веселíтся с сýщими на землí, Тебé поющими:// Бóже, благословén еси́.

КАНО́Н БОГОРОДИЦЫ РА́ДИ ИКО́НЫ ЕЯ́, ИМЕНУ́ЕМЫЯ ДОНСКА́Я, ГЛАС 4:

Припев: Пресвятáя Богорóдице, спаси нас.

Тропа́рь: Аще вся ве́си, Бóга же не ве́си, ничто́же ве́си, ищущим му́дрости витíя возвещáет. о Мáти Бóжия! неизслéдимая глубина́ Бóжих откровéний то- бо́ю явíся, просвети́ мой ум, во éже Гóспода искупíтеля познáти, Бóга оте́ц нáших.

Пресвятáя Богорóдице, спаси нас.

Чего́ ра́ди оскверня́ются путиé грéшника? отвещáет проро́к дави́д: того́ ра́ди, я́ко несть Бóга пред нím. открьóй о́чи мой омраче́нней, чíстая, да по- знаю́ вездесýщие творца́ всяческих, Бóга оте́ц нáших.

Пресвятáя Богорóдице, спаси нас.

Ви́жду покая́ние дави́дово: во вре́тище облека́ется, ду́шу постóм смиря́ет, пити́е пла́чем покая́ния растворя́ет, полу́нощи вста́ет на моли́тву, моя́ же моли́тва Богом отверга́ется, понéже не явля́ю трудо́в, ни по́двигов, и́мже мя, бла́годáтная, научи́.

Пресвятáя Богорóдице, спаси нас.

Небе́сных сил ца́рице, разсе́й о́блаки печа́ли, смяте́ния и бу́рю помыслóв укроти́, да́руй ми́ ду́х сокруше́ния и смире́ния, да из глубины́ се́рдца моего́ принесу́ чíстую моли́тву Бóгу оте́ц нáших.

Сла́ва Отцу́, и Сы́ну, и Свято́му Ду́ху.

Се́рдце услажда́ется, егда́ бла́годáть тво́я явля́ется, ми́р, умилéние и слéзы ражда́ются, о Де́во, радости́ моя́ неизрече́нная, не прэ́зри мя́, ожесто- чéннаго, но самá посети́, да му́к томле́ния изба́вит мя́ Бóг оте́ц нáших.

И ны́не и прíсно и во ве́ки веко́в, ами́нь.

Богорóдичен: Никто́же изба́вит мя́ от сме́рти, ни родíteлие, ни ча́да, не спáсёт да́р, ни- же́ приноше́ние, зна́емии провóдят то́кмо до грóба, греси́ же мой оста́нутся, услы́ши, милосе́рдая, вопль мой, да спáсёт мя́ огня́ вéчнаго Бóг оте́ц нáших.

КАТАВА́СИЯ УСПÉНИЯ, ГЛАС 1:

Хор: Безсту́дней я́рости же и огню́/ Божéственное желáние сопротивля́ясь,/ огонь у́бо ороша́ше,/ я́рости же сме́яшеся,/ богодохнове́нною словéсною преподо́бных тривещáнною цевни́цею/ противовещáя мусики́йским ор- га́ном посреди́ пла́мене:// препросла́вленный отецв и наш Бóже, благо- словén еси́.

ПЕСНЬ 8:

КАНОН ВОСКРЕСНЫЙ, ГЛАС 1:

Ирмос: **В** пеши́ ѓтроцы Израилевы, / якоже в горни́ле, добро́тою благоче́стия чистее́ злата́ блеща́хуса, глаго́люще: / благослови́те, вся дела́ Господня́, Го́спода, // по́йте и превозно́сите во вся ве́ки.

Припев: **Сла́ва, Го́споди, свято́му Воскресе́нию Твоему́.**

Тропа́рь: **И**же во́лею вся творя́й, и претворя́й, / обра́щай сень сме́ртную в ве́чную жизнь, / стра́стию Твое́ю, Сло́ве Бо́жий, / Тебе́ непреста́нно вся дела́ Господня́, // Го́спода по́йм, и превозно́сим во вся ве́ки.

Припев: **Сла́ва, Го́споди, свято́му Воскресе́нию Твоему́.**

Тропа́рь: **Т**ы разори́л еси́ сокруше́ние, Христе́, и ока́янство, / во вратех́ и тверды́нях а́довых, / воскре́с из гроба́ тридне́вен. / Тебе́ непреста́нно вся дела́, яко́ Го́спода, пою́т, // и превозно́сят во вся ве́ки.

Припев: **Пресвята́я Богоро́дице, спаси́ нас.**

Богоро́дичен: **Я**же без се́мене и преесте́ственне от облиста́ния Божество́ннаго / Ро́ждшую би́сера многоце́ннаго Христа́, воспо́йм глаго́люще: / благослови́те вся дела́ Господня́, Го́спода, // по́йте и превозно́сите Его́ во вся ве́ки.

КАНОН БОГОРО́ДИЦЫ, ГЛАС 1:

Припев: **Пресвята́я Богоро́дице, спаси́ нас.**

Тропа́рь: **Ч**ертѓг светови́дный, из него́же всех Влады́ка, / яко́ Жени́х произы́де Хри́сто́с, / воспо́йм вси вопи́юще: / вся дела́ Господня́, Го́спода по́йте, // и превозно́сите во вся ве́ки.

Припев: **Пресвята́я Богоро́дице, спаси́ нас.**

Тропа́рь: **Ра́дуйся, Престо́ле сла́вный Бо́жий, / ра́дуйся, ве́рных стенѓ, / Ё́юже су́щим во тьме возсия́ свет Хри́сто́с, / Тебе́ блажа́щим, и вопи́ющим: / вся дела́ Господня́, Го́спода по́йте, // и превозно́сите во вся ве́ки.**

КАНОН УСПЕ́НИЯ, ГЛАС 4:

Припев: **Пресвята́я Богоро́дице, спаси́ нас.**

Тропа́рь: **Па́мять Твою́, Чи́стая Де́во, / Нача́ла же, и Вла́сти, и Си́лы, А́нгели, Арха́нгели, / Престо́ли, Господьства́, Херувими́ сла́вят и стра́шнии Серафи́ми; // челове́ческий же род – поём и превозно́сим во вся ве́ки.**

Припев: **Пресвята́я Богоро́дице, спаси́ нас.**

Тропа́рь: **И**же страна́но всели́выйся, Богоро́дице, в чи́стое чре́во Твое́, воплоща́емь, / Сей, всесвяще́нный дух Твой приём, / у Себе́ упоко́и, яко́ должни́к Сын. // Те́мже Ты поём, Де́во, и превозно́сим во вся ве́ки.

Припев: **Пресвята́я Богоро́дице, спаси́ нас.**

Тропа́рь: **О**, ви́ше ума́ чудес́ Присноде́вы же и Богома́тере! / Во гроб бо все́льшися, пока́зай рай. / Ему́же предста́юще днесь, ра́дующеся, поём: // Го́спода по́йте, дела́, и превозно́сите Его́ во вся ве́ки.

КАНОН БОГОРОДИЦЫ РАДИ ИКОНЫ ЕЯ, ИМЕНУЕМАЯ ДОНСКАЯ, ГЛАС 4:

Припев: Пресвятая Богородице, спаси нас.

Тропарь: Взраст юности и жажда наслаждения пленяют мою душу, благодатная, но к вечному блаженству и славе святых обрати моя помышления, да славословлю Господа моего и превознесу его во вся веки.

Пресвятая Богородице, спаси нас.

Волны неверия и скорбей лютых покрывают мою душу, но слышу глас Господа, глаголюща: маловерный, почто усумнился еси? к тебе прибегах, Мати Божия, спаси мя и чада моя, в тебе бо утверждение веры имама, да превозносим Господа творца во веки.

Пресвятая Богородице, спаси нас.

Чревоугодию, нечистоте служу прилежно, за обиды местию воздаю, обличаю, гневаюсь напрасно, злословлю не оказавших ми помощи, сам же немощных презираю, о споручнице грешных, яви долготерпение и от греха свободи мя во веки.

Пресвятая Богородице, спаси нас.

Невозможно малою слезою великия скверны омьти и огнь геенский угасити, о всемилостивая Мати, вижду ожесточение мое и молюся ти: даждь ми слезы покаяния, да убелю одеяние души моея.

Слава Отцу, и Сыну, и Святому Духу.

С мольбою неотступною, надеждою крепкою припадаю ти, державная Владычице: зриши врага лютаго приближение, услыши в слезах притекших, востани скоро, и яко благая, защити, да славлю тя, Мати Бога моего, во веки.

И ныне и присно и во веки веков, аминь.

Богородичен: Плачь мой в радость обрати и сетование в веселие, Мати милосердия, и гордые замыслы враг моих сокруши, да благословит тя всяк язык и всяка плоть отныне и до века.

КАТАВАСИЯ УСПЕНИЯ, ГЛАС 1:

Хор: Хвалим, благословим, поклоняемся Господеви, поюще и превозносяще во вся веки.

Пламень, орошающ преподобныя,/ злочестивыя же поपालющ,/ Ангел Божий всемогущий показа отроком,/ живоначальный же источник содела Богородицу,/ тлю смерти и живот точашу поющим:/ Содетеля единого поим, избавлении, // и превозносим во вся веки.

Диакон: Богородицу и Матерь Света в песнях возвеличим.

ПЕСНЬ ПРЕСВЯТОЙ БОГОРОДИЦЫ:

Хор: Величит душа Моя Господа,/ и возрадовался дух Мой о Бозе Спасе Моём.

Честнейшую Херувим/ и Славнейшую без сравнения Серафим,/ без истления Бога Слова рождшую,/ сущую Богородицу, Тя величаем.

Яко призре на смирение рабы Своея,/ се бо от ныне убожат Мя вси роди.

Честнейшую...

Яко сотвори Мне величье Сильный,/ и свято Имя Его, и милость Его в роды родов боящимся Его.

Честнейшую...

Сотвори державу мѣщцею Своєю,/ расточи гóрдья мѣслию сѣрдца их.

Честнейшую...

Низложи сильные со престол, и вознесе смиренные;/ алчущия исполни благ, и богатящиеся отпусти тщи.

Честнейшую...

Восприят Израиля отрока Своего, помянути милости,/ якоже глагола ко отцем нашим, Аврааму и семени его, даже до века.

Честнейшую...

ПЕСНЬ 9:

КАНОН ВОСКРЕСНЫЙ, ГЛАС 1:

Ирмос: **Образ чѣстаго рожества Твоего,/ огнепальная купина показана неопальная;/ и ныне на нас напастей свирепеющую угасити, молимся, пещь,// да Ты, Богородице, непрестанно величаем.**

Припев: **Слава, Господи, святому Воскресению Твоему.**

Тропарь: **О како, людие беззаконнии и непокоривии,/ лукавая совещавше,/ гордаго и нечестиваго оправдиша:/ Праведнаго же на древе осудиша Господа славы,// Егоже достойно величаем!**

Припев: **Слава, Господи, святому Воскресению Твоему.**

Тропарь: **Спасе Агнче Непорочне,/ Иже мира грехи вземый,/ Тебе славим воскресшаго тридневно,/ со Отцем и Божественным Твоим Духом,/ и Господа славы:// Егоже богословяще, величаем.**

Припев: **Пресвятая Богородице, спаси нас.**

Богородичен: **Спаси люди Твоя, Господи,/ ихже стяжал еси честною Твоею кровию,/ церквам Твоим подай мир, Человеколюбче,// Богородицы молитвами.**

КАНОН БОГОРОДИЦЫ, ГЛАС 1:

Припев: **Пресвятая Богородице, спаси нас.**

Тропарь: **Из корене Давидова прозябла еси пророческаго, Дево, и богоотческаго:/ но и Давида яко воистинну Ты прославила еси,/ яко рождши пророчествованнаго Господа славы:// Егоже достойно величаем.**

Припев: **Пресвятая Богородице, спаси нас.**

Тропарь: **Всяк похвальный, Пречистая, закон/ побеждается величеством славы Твоея./ Но о, Владычице, от раб Твоих недостойных,/ от любве Тебе приносимое прими, Богородице,// со усердием пение похвальное.**

КАНОН УСПЕНИЯ, ГЛАС 4:

Припев: **Пресвятая Богородице, спаси нас.**

Тропарь: **Приидите в Сион, на Божественную и тучную Гору живаго Бога,/ возрадуемся, Богородицу зряще:/ к зело бо лучшей и Божественней сени,// яко Матерь, Сию во Святаа святых Христос престави.**

Припев: Пресвятáя Богорóдице, спаси нас.

Тропарь: Приидите, вѣрнии, ко грóбу пристúпим Бóжия Мáтере/ и обьíмем, сердцьи и устнáми, очесы и лицём чýсто прикаса́ющесе// и почерпа́юще исцелéний неза-вистныя дáры от истóчника приснотеку́щаго.

Припев: Пресвятáя Богорóдице, спаси нас.

Тропарь: Приими от нас песнь исхóдную, Мáти живáго Бóга,/ и светонóсную Твоёю и Божéственною осени́ благодáтию,/ вóинству – победительная, христоро́бным лю́дем – мир,// оставлéние – пою́щим и душáм спасéние подаю́щи.

КАНО́Н БОГОРОДИЦЫ РА́ДИ ИКО́НЫ ЕЯ́, ИМЕНУ́ЕМЫЯ ДОНСКА́Я, ГЛАС 4:

Припев: Пресвятáя Богорóдице, спаси нас.

Тропарь: При́зри на нищету́ душе́вную и всякую го́речь услади́, непосты́дная наде́ждо нáша, скорбя́щих ободрéние, пла́чущих скóрое утешéние, неисто-щима́ бо сокрóвища тво́я, и ра́дующися, даéши я́ всём, по́моци трéбующим.

Пресвятáя Богорóдице, спаси нас.

Вкуси́те и ви́дите, я́ко блáг Господь, за любóвию бо слéдует Гóспода поз-нáние. о трапéзо та́инственных даровáний! сподóби мя неосуждéнно живо-творя́щих та́ин причащáтися, во очищéние грехóв мо́их.

Пресвятáя Богорóдице, спаси нас.

Пред ико́ною твоёю, зри́, Влады́чице, житейское мо́ре волну́ется, спаси́ по-гиба́ющих в волна́х невѣрия и злóбою истощéнных, волно́ю твоего́ мило-сёрдия изнеси́ на брэг спáсения, да зову́т ти́: ра́дуйся, от вéчных смёрти избавлéние.

Пресвятáя Богорóдице, спаси нас.

Самомнéнием ослеплén, навько́х укоря́ти брáта моего́, ка́ко сообщу́ свёт бли́жнему, тмо́ю лжи́ покрýт сый, дáруй ми́, о Мáти свéта, зрети́ моя́ пре-грешéния и брáта моего́ согрешéния терпéти и с любóвию исправля́ти.

Слáва Отцу́, и Сы́ну, и Свято́му Дúху.

А́нгел смёрти нападе́ на мя́, презира́ет молéния, пла́чу не внéмлет, разлу-ча́ет мя́ безжа́лостно со ча́ды, влечёт мя́ насильно. о Богомáти, с Сы́ном тво́им крестны́я мýки разделившая, мáтернюю скóрбь о бли́жних утоли́.

И ны́не и прýсно и во вéки веко́в, ами́нь.

Богорóдичен: Зéмлю росси́йскую в достоя́ние себé избрáвшая и утверди́вшая нас во бла́гочести́и, под покрóвом тво́им соблюди́, всепéтая, óбразом тво́им чéстным от всéх напáстей сохрани́, да зове́м ти́: ра́дуйся, всеми́лостивая, в напáстех скóрая застúпнице.

КАТАВА́СИЯ УСПÉНИЯ, ГЛАС 1:

Хор: Побежда́ются естества́ уста́вы/ в Тебе́, Дéво Чýстая:/ дéвствует бо рож-дество́ и живóт предобруча́ет смерть;/ по рождестве́ Дéва и по смёрти жи-ва́, // спаса́еши прýсно, Богорóдице, насле́дие Твоё.

ЕКТЕНИЯ МАЛАЯ...

ЕКСАПОСТИЛАРИЙ ВОСКРЕСНЫЙ ДЕСЯТЫЙ:

Тивериадское море с детьми Зеведеевыми,/ Нафанайла с Петром же и со
другима двема древле,/ и Фому имяше на лове,/ иже Христовым повелением
одесную ввергше,/ множество извлекша рыб:/ Егоже Петр познав, к Немю бро-
дяше,/ иже третие явлейся, // и хлеб показя, и рыбу на углех.

Слава Отцу и Сыну и Святому Духу.

СВЕТИЛЕН БОРОГИЦЫ (ДОНСКОЙ ИКОНЫ):

Торжествуем днесь, правовернии, во храме твоём, Владычице, и ты, пре-
чистая, прими любовь приносимая тебе песни благодарственных.

И ныне и присно и во веки веков. Аминь.

СВЕТИЛЕН УСПЕНИЯ:

Апостоли, от конец совокупшися zde,/ в Гефсиманийстей веси погребите тело
Моё, // и Ты, Сыне и Боже Мой, прими дух Мой.